

Ina bakaujig yaijatui nugka ikam agkantu tepaju reserva comunal kuitambaunmag

Dekata nunikam wakejusam diista waji tuke pegkeja awanu

Kuitamji iina nugke agkantu ikam tepaju Reserva Comunal Chayu Nain

Nugka agkantu ikam tepaju Reserva Comunal Chayu Naintak, awai, colagkan mujaji minaja awi etsa jintai awa nuna yantamen norteya awi, departamento Amazonas ejapen awi jegantatak, ajawai 23,600 hectáreas jegastatak, ikam tepaju, nuigtu wantinui pegkeg muja wajaju najaneaku, etsa jintaiji awa nuna yantamen norteya awi iina nugke peruwajui.

Aents tikiju nugka agkantu ikam tepajunum batsatkau aidau adaikajui Chayu Nain ati tusa, awajun chichamnumag tawai: Muja chayu batsamtaiji (Cerro del oso de anteojos). Nugka agkantu ikam tepaju Reserva Comunal Chayu Nain, ati tusa chichamjukmauwa duka, mamikiamui provincia Baguanum, distrito Aramango, nuigtu Imaza, nuna mujajiya awi.

Iwainamu

1. Ina nugkega juig bakau ima kuashat ajakma takamu awai, nuniu asa 400 aents, tikiju, Reserva Comunal batsatunum suwawai takasa pujumainun, ju distrito de Imaza jui. Jimag provincia Bagua, Utcubamba awi imakuashat bakau ajakmamu, nu imatika takamu aig bakau ajakbau aina nunu yaiigmi tabauk atsawai.
2. Ina nugke Amazonasa juka bakau nugkegai, nugkash pegkeg bakau ajakmash shiig tsapamain, bakauk shiig nejeawai nugka pakaptin tepetpetu amunum, nuigtu nugka (300 a 800 msnm) nayantsa yakinti awa awi, nugka bakau ajatnuk, nugka shuwin dukapamaunum amainai, nuniak duweptin aniashkush kaya yagmatu shiig yumish nagkaemau, nuigtu 5.5 a 7.5 chujushjutu ajamu nugka an nimega nuwiya bakau ajaish shiig nejepamaina duka nui atumnawai bakau ajakaish wajuk kuitamkattaji, nejesh wajuk jutaita, nejesh jukaish wajuk ujugtaita unuimagmi tabaunum Imazia bakau ajakbau aidauti.
3. 3 783 hectarea awai, ashi ijumja bakau ajakbau Amazonasa jui, nuigtu ajakbau awa 20% bakau yumi ajuntua ukatka ajamu awai, tuja bakau neje jinui 150 a 600 kilogramos/hectarea, ju takatnak 8 200 aents bakau ajakbau aidau takainawai.

Takau Aidau

- 287 awajun ajakan ajakbau aidau ajakmainawai yamajam unuimat jukimunum. 287 aents ajakbau aina nuwiya, 68 nuwa aidau bakau ajakbau ainawai.



→ Bakau takatji

1. **Juwamu:** Juutia bakau neje tsamaku diisa.
2. **Ipugbau:** Bachit yaig etsakashbau juki yuku dakatia, jigkayin tsupikaig tusa.
3. **Ikajiamu:** Bakau jigkayi yajuaka chimpinui cajun najanamunum, dutika paampa duken dukuka apujnawai, jimag tsawannui pujusa iikdawai shiig kajia jegati tusa.
4. **Ujugbau:** Bakau ikajiamua nu waketui 60% chupitnuji, dutika imatiksa ujujamua jegawai pegkeg kugkuau bakau jina nu.
5. **Jaipja etegkeamu:** Etegnawai, bakau saepe, kaya, duka kagaju, kayam juyuiji nuigtu pegkegchau bakau jinkayi ujujamua nui pachitkau ai tusa.
6. **Ijubau:** Bakau jujukmatai aimnawai sacco yute apagmaunum, dutika ijumnawai, bakau aimja ijumtaig agkantu, tsaptin, tsuwat atsamunum amainai, pushugmainchau, jii, mamuk, aina dusha achimainchau.



→ Imanji Agagbau

1. Once comunidadnumia takainawai Reserva Comunal Chayu Nain, atunikag chichamjuinawai ECACHAYUNAINJAI shiig takat weti tusag, SERNANP shiig wainkamu.
2. Comunidad Awajun batsatkau aina duka shiig eme anentus kuitamin ainawai dita ikamjinak, nunidau asag takasagtatu numichu wegantu aidau aya nunak papin umigkag, aikasag dita muunji taka wajakbaunak imatiksag.
3. 17 mijan nagkaemawai, APECO once comunidad aidaujai, SERNANPJA atunik numi, kuntin wegantu aya nunu kuitamnakti tusa chichamjukbau, yabaiya jui Reserva Comunal Najanea nu, nuigtu ijuntuja chichamjaji inia tikiju batsata nu ajak ajakmatan an senchi unuimakti tusa. Aaja chichamjamu asa ajuinawai jintinbau nugken, ajak ajakmatan, ajak tuke aya nunu kuitamka amutsuk takatan unuimagtinme tau asa.



Este documento es posible gracias al generoso apoyo del pueblo de los Estados Unidos de América a través de la Agencia de los Estados Unidos para el Desarrollo Internacional (USAID). Los contenidos son de responsabilidad de APECO y no necesariamente reflejan los puntos de vista de USAID ni del gobierno de los Estados Unidos